

Յետոյ, երբ Վրաստան անկախ յայտարարուեցաւ, վրացի մենչեւիկները իւրացրին իրենց ցեղակից ազգայնամոլների տեսակէտը ու զէնքի ուժով եւ օտարների աջակցութեամբ զրաւեցին Ջաւախքը, իրենց այդ վարմունքը «ուղղագիտական եւ պետական «բարձր քաղաքականութեան» նկատումներով արդարացրնելով:

Եւ ինչպէս որ վրացի ընկերվարականները նոյնազգի շովէն տարրերի հետքով քայլեցին իրականութեան մէջ, նոյնն արին եւ անում են այսօր էլ վրացի համայնավարները, քայլելով մենչեւիկների հարթած ճանապարհով — պինդ պահելով իրենց ճանկերում հայկական Ջաւախքը: Վրացի ազգայնամոլների խօսքերը եւ գաղափարները գործ են դարձնում մենչեւիկները, սրանց գործերն էլ ամբապընդում եւ հաստատում են վրացի համայնավարները: Սա փաստ է: Վերջիններս զեռ աւելի առաջ են գնում: Առաջ գոնէ, երբ Անդրկովկասը չէր բաժանուած Ռուսաստանից, մենչեւիկները (Վ՛ւ Ֆելզերայիսաները) Ջաւախքը ճանաչում էին հայկական հողամաս, իսկ այսօր, երբ Անդրկովկասը նորէն ռուսական միութեան մէջ է գտնուած, վրացի համայնավարները զրանում են ճանաչել մեր իրաւունքը:

Հապա Ջաւախքի հայութի՞ւնը: Հապա հայ համայնավարնե՞րը:

Ինչպէս ցարերի, ինչպէս մենչեւիկների օրով, այնպէս եւ այժմ, բողեւիկների օրով, Ջաւախքի հայութիւնը երբեք էլ առիթը չէ կորցրել յայտարարելու՝ Հայաստանին միանալու իր անխախտ կամքը, ինչպէս նաեւ իր բողոքը, որ զինքը բռնութեամբ պահում են Վրաստանի մէջ: Եւ այդ արել է նա՝ հակառակ դրանից բխող ծանր հետեւանքներին իր համար, առաջնորդելով ազգային եւ մարդկային աւելի բարձր սկզբունքներով: Նա իր կաշուի վրայ զգացել է եւ զգում է, թէ ի՞նչ է նշանակում օտարի իշխանութիւն, թէ ի՞նչ է նշանակում՝ անջատուած պահուել մայր հայրենիքի օրգանիզմից:

Ընդամէնը երեք տարի առաջ էր, որ Ախալքալաքի հայութիւնը Թիֆլիս ու Երեւան զրկած իր պատգամաւորների միջոցով նորից

մի անգամ ներկայացրեց իր միահամուռ պահանջը — միանալ Հայաստանին: Եւ սակայն բողեւիկները ոչ միայն չարին այդ, ոչ միայն գոնէ ներքին ինքնավարութիւն չտուին Ջաւախքին, այլ աւելի եւս ծանրացրին նրա դրութիւնը, վրացի պաշտօնեաների եւ կուսակցականների գերազանց լքահաճոյքին մատնելով նրան:

Այդ ժամանակ «Կովկասի փոխարքան» էր վրացի Օրթօնիկիճէն, որին «Մոսկուայի աչքը» մականուան էին տուել: Նա, որ այժմ այնտեղ նստած՝ երկրորդ զիկտատորն է Ռուսաստանի, դարձեալ կրացի Մտային-Ձուղաչվիլից յետոյ (երրորդ զիկտատորը՝ նորէն վրացի, Ենուկիճէ):

Ի՞նչ արաւ Օրթօնիկիճէն: Իրագործե՞ց Ջաւախքի հայութեան ազգային ինքնորոշման արդար պահանջը:

Ի հարկէ ո՛չ: Ի՞նչ արաւ հայրա: Սաստելով ու սղառնալիքներով նա տուն ճամբեց Ջաւախցիներին, ըիչ անց էլ կարգադրելով, որ «ըմբռտաների» զեկավարներին ձերբակալեն եւ արքորեն: Ի՞նչ արաւ «Մոսկուայի աչքը»: Նա մի զեկոյց զրկեց Խորհրդային մայրաքաղաք (տե՛ս «Պրաւդա», 1926 թ. Մայիս 12), զբերով մէջը. «Ախալքալաքի 37 զիւղեր (ուղում է ասել՝ ոչ ամբողջ գաւառը) ցանկութիւն (արդեօ՞ք միայն «ցանկութիւն») են յայտնել՝ միանալ Հայաստանին»:

Այնուհետեւ այսպէս է հիմնաւորում նա, որպէս մարքոստ, իր զեկոյցը. թէ՛ ըմբռտութեան պատճառը այն է եղել, որ ախալքալաքի հային գրկել են բաւարար հողաբաժնից, նրա ցանքները ոտի տակ են տուել ու փնացրել վրացի ֆոյուոր-խաշնարածները: Միայն թէ, «եզրակացում» է Օրթօնիկիճէ, այդ ամէնի պատճառը ոչ այլ ինչ եղել, թէ ոչ ... Վրաստանի երկրագործական «գործավարութեան մեքենան». թէ՛ այդ վերջինը շտկուել է յետոյ, թէ՛ նոյնը պատահել է նաեւ (ի՞նչ չքմեղացում) Գանձակի շրջանում, ուր «հայերին խոստացել էին հող, բայց չէին տուել»: Իսկ որ գլխաւորն է. «Գայթակղելի է միանգամայն, որ Խորհրդային Հանրապետութեան քաղաքացիները ուղում են հեռանալ նրանից (այսինքն՝ Վրաստանից) միայն այն պատճառ»: